

# جريدة محاکمه

جمعه ايرتسی

نومرو ۴۷۳ ربيع الاول ۲۴ سنه ۱۳۰۶ تشرین ثانی ۱۹ سنه ۱۳۰۴ صحیفه ۵۴۸۷

( اشبو غزته بهر هفته جمعه ايرتسی کونلری چيقار . سنه لکی در سعادت ایچون مجیدیه یکر می غروش )  
( حسابیله التمش غروشدر . طشره لر ایچون اون بش غروش پوسته اجرثی ضم اولنور . بهر )  
( نسخه سی ینه مجیدیه یکر می غروش اولق اوزره یوز پاره یه هر یرده صاتیلور . درج اولنه جق )  
( اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی )  
( داترسنده کاشن جریده محاکم اداره سنه مراجعت ایلملیدر )

مرعش مدعی عمومی معاونلکی جبل برکت مدعی  
عمومی معاونی علی حیدر افندی به .

مدلو مدعی عمومی معاونلکی ملغا قواله تجارت  
محکمه سی رئیس سابق الیاس افندی به .

جبل برکت مدعی عمومی معاونلکی مکتب حقوق  
شاهانه ماذونلرندن بشیر افندی به تفویض  
بیورلشدر .

قسمت

توجیهات

بک اوغلی بدایت محکمه سی مستنطق اعضالغی  
محکمه تمیز استدا دا داتره سی میز لردن تحسین  
افندی به .

مرعش بدایت محکمه سی جزا داتره سی ریاستی  
محکمه مز بوره مدعی عمومی معاونی محمد کامل  
افندی به .



- ( ۱۵ تشرین ثانی سنه ۳۰۴ تاریخنده )
- ( عموم ولایات استیناف محکمه سی مدعی )
- ( عمومی یله مدعی عمومی بولنمیان محللر )
- ( مدعی عمومی معاونه نرینه تطبیق اولنان )
- ( تحریرات عمومی صور تیدر )

مستغنی ایضاح اولدیغی اوزره مقالات محرر لرینک حاصلات واقعه دن قرار نامه مخصوص دائره سنده استیفا ایله جملگی مائاندن مقطوع قسمی اولان اوچبوز غروشک اوست طرفندن بوزده اوتوز نسبتنده افزاز اولنه جق مصرف قارشو لغندن صرف اولنان مبالغت صورت صرفنی مبین زیری مصدق مفردات دفترینک ارسالی جدا اولک صورت تنظیمی حقنده اولان تعلیماتک برنجی ماده سنده مصرح اولدیغی و صرفیات مذکوره قارشو لغنتک مائادات مقبوض سندینه برقم علاوه اولنه رق خارجه بر اغلامسی دخی قاعده عمومی اقتضاسندن بولدیغی حالده بعض محللرجه اشبو دفتر لر کوندر لمانمکده اولدیغی کبی صرفیات مذکوره نک مائادات سندیه خارجه بر اغلامدیغی زمانلرده بوجه مشروح بشقهجه تنظیمی مقتضی اولان سندیه اسبال قلمنامه قده اولسی جهتیه بویوز دن برطاق محباراته مجبوریت کورینه رک نظارتک مشاغل کثیره و مهمه سی درجه سنه کوره بو حالک دوامی قطعاً تجویز اولنه میه جفندن بعدماً اشبو صرفیات

مقبوض علم و خبر ینک بالاسی دفتر او اوله رق ونسبتی درجه ده پول وضع ایذیه رک مهمه حال جدول و تصرف اولنه جق ایقه ایله برابر کوندر لسی و برده تجارت محکمه سی بولنمیان محللر بدایت محکمه لرنده رؤیت اولنان دعاوی تجاریه دن استیفا اولنوب نظارت وز نه سنه عائد اولان رسوم متنوعه دن کتبه معاشی و مصارف قرطاسیه وسائر ایچون ایقه صرف اولنوب رسوم مذکوره نک تماماً و اصولی وجهله توحید جدولرینه ادخالاً طوغریجه نظارت وز نه سنه ارسالی و بوسی مصارفک محکمه بدایت مرتبات قرطاسیه سندن تسویه سی و مصالح تجاریه نک قدیم کتبه واسطه سیله اداره سی لازم کله جکی یلنهرک بعدما بولسز معامله وقوعه محل قلماسق اوزره لازم کلنره تبلیغی ضمیمه اشبو تحریراتک نسخ مطبوعه کافیه سی لفا ارسال قلند یغی بیایله شقه ترقیم قلندی

- ( ۲۴ ربیع الاول سنه ۳۰۶ و ۱۶ )
- ( تشرین ثانی سنه ۳۰۴ تاریخیه عموم ولایات )
- ( استیناف مدعی عمومی لکارینه یازیلان تحریرات )
- ( عمومی صور تیدر )

سنه حالیه ملتره لری سندا تندن بعض تجار و مترضله جیرو اولنا نلرک تقسیم لری حلرل ایلدیگی حالده ملتره لری طرفندن تأدیاته وقوعه کتور بلان تعللات اوزرینه مأمورین مالیه طرفندن محاکمه مراجعت وقوعه برطاق مشکلات ابقاع اولنمده اولدیغی محلی اشعار اتندن اکلشلدیغندن و بویسه موافق حال و مصلحت اوله میه جفندن مراجعت وقوعه مشکلات چیقار لیه رق طوغریدن طوغری به خزینه ایله ملتره لره سنده لازم اولان معامله تسهیلا تکرار نه به توفیق حرکت ایلمسی مالیه نظارت و کالت جلیله سندن مبعوث تذکره ده بیان و اشعار اولنمده ایجا بنک اجراسیله بو بایده اعشار نظامنامه سنک اوتوز طقوزنجی ماده سنه توفیق معامله اولنه رق خلافنده حرکت ایدنلرک مسؤل طوتیله جفی معلوم اولمق اوزره دائره مأمور یتکز داخلنده کی محاکمه لاجل تبلیغ اشبو تحریراتک نسخ مطبوعه کافیه سی لفا ارسال قلند یغی بیایله شقه ترقیم قلندی

- ( ۲۵ ربیع الاول سنه ۳۰۶ و ۱۷ )
- ( تشرین ثانی سنه ۳۰۴ تاریخیه بالجله )
- ( استیناف مدعی عمومی لکار بنه یازیلان تحریرات )
- ( عمومی صور تیدر )

اصول محاکمات جزائیه قانونسک الی برنجی ماده سی موجبجه مستنطق طرفندن تنظیم ایذیلان منع محاکمه قرار نامه لرینک رؤسا طرفندن تصدیق و یا تعدیل و اصلاحی ایله اعاده سی حقنده مدت معینه قانونیه اولما سندن طولانی بعض محاکم جزائیه رؤسای کندولرینه تودیع اولنان اوراقی اون اون بش کون نزدلنده ایقویه رق اعاده ایتدکری و بوسره ده مذکور قرار نامه علیه وقوعه بوله جق اعتراضات ایچون معین اولان مدت قانونیه نک مروری جهتیه مدعی عمومی معاونه لرینک حق اعتراض لری ساقط و حقوق عمومی ضایع اولمده اولدیغی کبی قانون مذکورک یوز یکریمی ایکنجی ماده سی موجبجه مدعی عمومی لره تودیع اولنان اوراق استنطاقیه نک مدت قانونیه سی طرفنده باطلبنامه مستنطقه اعاده اولنمده نکره ادعا نامه ز برینه مستنطق طرفندن لازم کلان قرار نامه تنظیمی ایچون دخی بر مدت قانونیه اولما سندن طولانی بعض سوء استعمالات وقوعه کلکده ایدویکی بیایله بو بایده تأخرات وقوعه کلامک اوزره هر ایکی جهت ایچون بر مدت تعیینی لزومی بعض



طرفین اشعار او منتشر

معلوم اولدیغی وجهله مدعی عمومیله جانندن منع محاکمه قرارنامه لری علیهنده وقوعه جق اعتراضک مبدائی قرارنامه تاریخی اولوب رؤسانک تاریخ تصدیق اولماسنه نظراً رؤسانک کندولینه تودیع اولنان اوراقی مدت مدیده نزدلنده ایقویملری اعتراض مذکور مدت قانونیه سنک مرورینی و بناء علیه حقوق عمومیله ضیاعنی موجب اولمسیله غیر جائز و شوالده رؤسایه تودیع اولنان سالف الذکر تصدیق و یا تعدیل و وظیفه سنندن مطلوب و ملتزم اولان فوایدک فوت و زوالنی مستلزم اوله جنجی امر بارزدر و بناء علیه رؤسانک بومثلاً اوراق اوزرینه نهایت یکریمی درت ساعت ظرفنده وظیفه قانونیدلرینی بالایفا اعاده یه مجبور و اعاده ایتمدکلی صورتده تأخراتدن طولایی مسؤل طوتلری لازمدر مستنطق قرارنامه لرینک تنظیمی ایچون مدت تعیینی مسئله سنه کلنجه اشبو قرارنامه لر علیهنده عندالحاجه واقع اوله جق اعتراض مبدائی بالاده دخی ذکر اولدیغی اوزره قرارنامه نک تاریخ تنظیمی اولمسیله مدت اعتراضیه نک مرورینه مستنطق لرک سیبیت و یرمیه جکی درکارو بوجهته برمحذور بولمدیغی آشکار اولسنه نظراً قرارنامه تنظیمی ایچون تعیین مدته لزوم کور یله مز ایسه ده انجق تحقیقاتی ختام بولان برایشک طول مدت قرارنامه سنک تنظیم ایدلر ساسنی ذات مصلحتک

تأخر رؤیاتی مستلزم اولمسیله بوده رهین جواز اوله مزز را معاملات تحقیقیه و استنطاقیه سی اجرا و اکمال اولنان برایشده پایله جق معامله بالکتر تقدیر و قوعات ایله برقرار اعطاسندن عبارت و بو ایسه مشکل و ایفاسی اوزون وقته محتاج بر معامله اولدیغی قرین رتبه بدها تدر محاکمه سی ختام بولان بر دعوانک متعاقباً اجرامی مذاکره سیله لازم کلان قرارینک اعطاسی اصولی محکمه لرحه جاری و مرعی و معاملات تحقیقیه و استنطاقیه مظنونیت و شهودک افادات مضبوطه سنندن عبارت اولق حیثیتله محاکمه رعایتی لازمده دن اولان معاملات خصوصیه مستثنا اولدیغی حالده اشبو تحقیق و استنطاق معامله سنک محکمه جه جریان ایدن محاکمات و معاملات مشابهنی بدیهی ایکن اشبو اصول مستنطق لرحه قرین قبول اولیه رق مدت مدیده تأخرات ایقاع ایدلر ساسنی جالب نظر دقت اولان احوالدر شوالده محاکمه سی بالاجرا ختام بولمش اولان بر ماده نک ختام محاکمه سی اجرای مذاکره ایله لازم کلان قرارینک درحال اعطاسی حقنده محاکمه جریان ایدن اصول وقاعده مجبوره یه قیاساً مستنطق لرک دخی مدعی عمومیله طرفندن اوراق اعاده سی عقبنده قرارنامه سنی تنظیم و اعطایه مجبور بتلری اصول اتخاذ اولنه رق کیفیت استیناف محاکمی مدعی

عمومیلکرینه اشعار و دائره مأموریت بهیه لرنده بولنان محاکم رؤسایه مدعی عمومی معاوندلکرینه تبلیغ اولمسی اوزره اشبو تخریراتک نسخ مطبوعه کافیه سی لفاً تسبیح قلمغله بر منوال محرر ایفای معامله به دقت و اعتنا اولمسی و اشبو اصول خارجنده ایفای معامله به جرأت ایلینلرک اشعار و انهای سی سیاقنده شقه مخلصی ترقیم اولندی

### قسم غیر رسمی

- ( اوچبوز درت سنه سی مایسنک یکریمی التجبی )
- ( پنجشنبه کونی صباحلین ساعت ایکی یچق )
- ( راده لرنده یاندق لری او طه دروننده زوجه سی )
- ( فاطمه بی یچاقله بوغازندن جرح و قتل ابتدیی )
- ( ادعا اولمسنندن طولایی مظنون علیه بولنان مسئله )
- ( کروهندن محمدک محاکمه علیه ضبطنامه سی )
- ( صورتیدر )

اوچبوز درت سنه سی مایسنک یکریمی التجبی پنجشنبه کونی صباحلین ساعت ایکی یچق راده لرنده یاندق لری او طه دروننده زوجه سی فاطمه بی یچاقله بوغازندن جرح و قتل ابتدیی ادعا اولمسنندن طولایی مظنون علیه بولنان مسئله کروهندن محمدک جنایتله اتهام اولدیغنه دائر هیئت اتهامیه دن تنظیم اولنان ۱ ایلول سنه ۳۰۴ تاریخی و ۱۶۹ نومرولی مضبطه ایله استینافی مدعی عمومیله سنک ۱۰ ایلول سنه ۳۰۴ تاریخی و ۳۶۸۶ نومرولی اتهامنامه سی اوراق متفرعه سیله ۲۹ ایلول سنه ۳۰۴ تاریخنده محکمه جنایتده تودیع اولمغله بالمطالع اصول محاکمات جزاییه قانونک ایکیبوز قرق سکرنجی و ایکیبوز قرق طقوزنجی ماده لرینه توفیقاً سنه مذکوره تشرین اولنک برنجی جمعه ابرتسی کونی مرقوم محمد توقیفخانه دن جلب ایله استجواب و مدافعه سننده معاونت ایتمک اوزره بروکیل انتخاب ایتمی تکلیف اولندفده و کیلاردن طابیدیغی اولمدیغنی سوبیلکله محکمه نزدنده بولنان دعوی و کیلاردن کر قور قلابچیان افندی جانب محکمه دن مرقومه و کیل تعیین و قانون مزبورک ادعای مفسوخیت حقنده اولان ایکیبوز الی برنجی ماده سی مندرجاتی اخطار قلمدیغنی مبین طوتیلان ضبطورقه سی تحت امضایه الیرلدی ادعای



جمائیه دن بولنش اولدیغندن مرقومک جنایتله اتهامه قرار ویرلدیکنی و اتهامنامه سنک مؤداسیدخی مضبطه مذکوره مندر جانی وجهله مرقوم محمدک متهم بولندیغنی متضمندر .

قانون مزبورک ایکوز التمش التجی ماده سنه توفیقاً اتهامنامه نك خلاصه سی متهم مرقومه تفهیم و معاون مومی الیه طرفندن دخی اسباب اتهمی تفصیل و تشریح اولندقدن صکره متهم محمد سولتدیرلده وقعه کونی زوجه سی فاطمه ایله اولطه ده یاتمقدهلر ایکن طانیدیغنی اسمر چهره لی بر شخصک ایچرو کیروب زوجه سنک اوزرینه هجوم ایتمکله در حال کندوسی طیشارویه چیقهرق اخبار ماده ایتمک اوزره قره غونخانه به کتدیکنده در دست ایلدیکنی بالیان مضبوط افاده سی وجهله انکار تهمت ایلدی اساس ژرنالی مزبوره فاطمه ایله متهم محمدک معاینه لرینی حاوی راپورتلر لدی القرائه بولندن ژورنال مالی متهم محمدک زوجه سی فاطمه بی بیچاقله بوغازندن جرح ایدرک طاشچی تکه سی زقاغندن فرار ایتمکده ایکن بالتهقیب در دست ایلبوب قره غونخانه به کتور یلهرک فاطمه نك افاده سنه مراجعت اولتمش ایسه ده جرحک زیاده جه ایقاع ایلمش اولسنه مینی افاده و برمه که مقتدره اوله میوب انجق زوجی مرقومک ژورنال بالاسنده کوسریلان

مفسوخیت ایچون معین اولان مدت قانونیه منقضیه اولغله مرقومک اجرای محاکمه سی ماده مذکورک اون دنجی بازار ایتسی کونه قرار لشدیرلدی .

یوم مذکورده ساعت یدی راده لرنده متهم محمد قانون مزبورک ایکوز التمش اوچجی ماده سنه تطبیقاً توفیقخانه دن کتور دیلهرک و کیلی کر قور فلاجیحیان افندی یاننده اولدیغنی ومدعی عمومی ماونلرندن حق بک دخی حاضر بولندیغنی حالده محاکمه علنییه به بالابتدار مرقوم استجواب اولندقدله استانه لی و التمش یاشنده اولوب تسئل ایتمکده اولندیغنی بیان ایتمکله کندوسنه و وکیل مومی اییهه قانون مزبورک ایکوز التمش در دنجی و ایکوز التمش بشجی ماده لری مدلولاتی بعد الاخطار اتهام مضبطه سیله اتهامنامه ضبط کاتبی شوکت افندی به قرائت ایتدیرلدی .

مذکور مضبطه نك مالی مظنون علیه محمدک زوجه سی فاطمه بی اوطه دروننده بیچاقله بوغازندن جرح ایتدیکی و مزبوره نك اثر جرحدن اوتوز ایکی ساعت صکره وفات ایلدیکی مخبر لک علی الدرجات وقوعبولان اخبار اته انضمام ایدن معاینه راپورتی مندر جانی ایله تحقق ایتش و حرکتی قانون جزانک یوز التمش در دنجی ماده سی حکمینی مستلزم افعال

دملی بیچاقله بوغازندن کسدیکنی الیه اشارت ایلدیکنندن مرقوم محمد استجواب ایلدکده کلیاً انکار تهمت ایله مبتلا اولدیغنی جنث اثری اولهرق خانه سندن چقبوب کیدر ایکن طوتلدیغنی سولنش و مرقومک یاغنده بولنان ایچ طوننده تازه قان لکه سی کور یلهرک بوبایدی شاهد لک افاداتی دخی ضبط ایلمش اولدیغنی و معاینه راپورطری نك مفادی دخی مزبوره فاطمه نك عنق نك صاغ طرفندن بدأ ایله صول طرفنده ختام بولان جرحه دن انقطاع تنفس وقوعه کله رک اوتوز ایکی ساعت صکره وفات ایلدیکنی و مرقوم محمد معاینه اولنوب تحت مشاهده الی نندقدله شعورنده خلل مشاهده اولنه مدیغنی میندر متهم مرقومک اوزرنده بولنوب امانتدن کتور دلش اولان دملی ایچ طونی ایله بیچاق مرقومه ارائه اولندقدله طون کندوسنک ایسه ده بیچاقدن معلوماتی اولدیغنی بیان ایلدی مدعی عمومی طرفندن وریلان شهود پوصله سننده اسملری محرر اولوب دعوت واقعه اوزرینه ورود ایدن عائشه صدیقه و کریمه سی امینه خانم ایله کورجی ابراهیم قانون مزبورک ایکوز التمش سکزنجی ماده سنه توفیقاً بعد التحلیف منفرداً و مواجتهً استجواب اولندقلرنده بولندن عائشه صدیقه خانم یکن لیله قدرده بعد السحور یتاغنه یاتوب تخمیناً

ساعت ایکی راده لرنده او یقو ایچنیده آجی آجی بر فریاد ایشتمسی اوزرینه اشانخی اینوب خانه سننده مستأجر بولنان بومتهم محمدک اولطه لری قپوسنی اچدیغنده زوجه سی فاطمه نك یتاق ایچنده قان ایله ملمع اولدیغنی کوروب او ائشاده مزبوره نك قزی صدیه ناجیه امان والده می بابام کسدی دیهرک طیشارویه چیقمغله کندوسیده قزی امینه خانم ایله باغچیه اینوب زقاق قپوسنک اچیق طور مقده بولنش و متهم محمدک دخی او رالتی صاوشمش اولدیغنی کوردیکنندن وقوعبولان فریادی اوزرینه اهالی ایله پولیس مأمور لرینک کلش اولدقلری و بو وقعه دن اوچ کون مقدم برکیجه انقیه قو طوسندن طولابی متهم مرقومک زوجه سی فاطمه بی صوبه ایله ضرب ایتدیکنندن اولطه لرینه کیدوب تفریق ایلدیکنی تذکار و کریمه سی امینه خانم دخی مزبوره عائشه صدیقه خانمک بو افاده سی تماماً تصدیق و تکرار و کورجی ابراهیم دخی وقعه کونی صباحلین ساعت ایکی بیچق راده لرنده دکانی اوکننده اوتور مقده ایکن عائشه صدیقه خانمک خانه سندن بر فریاد وقوعبولش و بو ائشاده متهم محمدک دخی طونتی بو قارویه باغلابه رق خانه دن چقبوب اشانخی طوغری فرار ایتمکده و اهالی نك دخی تعقیب ایتمکده اولدقلرینی کوردیکنندن کندوسیده اهالی ایله



برلکده کیده رک مرقومک دردست ایدلمش اولدیغنی کوردیکنی ومؤخرأ مذکور خانیه کتدیکنده قومیسر حسنی افندی مجروحه نك افاده سنی ضبط اتمک استمس ایسه ده افاده به غیر مقصد بولندیغندن ایله زوجی طرفندن جرح ایدلدیکنی اشارت ایش ایدوکنی افاده و اخبار ایشدیلر دعوت اولدیغنی حالده خسته لفته مینی کله میه جکی خبر وریلان مزبوره صبیبه ناجیه نك دائرة استنطاقچه مضبوط اولان افاده سی اوقوتدیر لدقده مالی کندوسی والدہ سنک قوبنده یاتور ایکن برصباح بابامی کسکین و بیوجک بریچاقله والدہ سنک بوغازینی کسوب فرار ایدلدیکنی متضمن اولغله قرائت ایدیلان ژرنال و راپورطلر مندرجاتی ایله استماع ایدیلان شهودک ذات و شهادتلی و مزبوره ناجیه نك اوقوتدیر یلان افاده سی علیه نه ذیه جکی مرقوم محمدن صورلدقده انکار اولنده اصرار ایلدی تدقیقاتک بوندن عبارت اولدیغنی بیان اولندقده معاون مومی الیه حتی بک متهم محمدک زوجہ سی فاطمه بی بتاق ایچنده جرح بچاقله بوغازندن و قتل ایتدیکی اخبارات و اساس ژورنالی و معاینه راپورتی ایله تحقیق ایتدیکندن مجرمیتنک تحت حکمه التمسنی ادعا و مدافعه و کیلی کرقور قلابجیان افندی دخنی موکلی حقنده وقوعولان اخباراتک

تأمین وجدان ایدر دجه ده اولیوب چونکه موکلنک زوجہ سنی جرح ایتدیکنی رأی العین کورن اولدیغنی و فاطمه نك اشارت ایله جارحنک زوجی اولدیغنی ا کلا تمس نه کلنجه دیگر بر شخصی ا کلا تمق احتمالی موجود اولدیغندن بودخی نظر قانونده معتبر طوتیله میه جغنی و موکلی فرار ایتیبوب اخبار ماده ایتک اوزره قره غونخانه یه کندولکندن کتمش اولدیغنی افاده ایتکده بولندیغنی بالیان برانت ذمتنه قرار ویرلمسنی طلب ایتلریله ولدی السؤال طرفینک بشقه بر دیه جکلری اولدیغنی ا کلا شغله محاکمه نك ختام بولدیغنی بیان اولنه رق مذاکره او طه سنه کلندی .

طرفینک ادعا و مدافعاتک استماعندن و اوراق تحقیقیه نك مطالعه و تدقیقندن صکره ایجاب کیفیت لدی المذاکره متهم محمد هر تقدیر انکار تهمت ایتکده و وکیل مومی الیه دخنی بوجه محرر مدافعه ده بولتمده ایسه لده متهم مرقومک زوجہ سی فاطمه بی یاتدقلری او طه دروننده و بتاق ایچنده بچاقله بوغازندن جرح و قتل ایدرک فرار ایتدیکی عایشه صدیقه و کریمه سی امینه خانم ایله کورجی ابراهیم طرفلرندن مع القسم و علی الدرجات اخبار اولتمس نه و مزبوره فاطمه نك حال حیاتیته افاده به غیر مقصد

اولقی مناسبیله جارح و فائز نك زوجی محمد اولدیغنی اشارت مخصوصه ایله ا کلا تدیغنی کجله اخباراتدن و اساس ژورنالی مندرجاتندن ا کلا شلمس نه و اخبارات واقعه به قارشو اشارت مذکور نك بر شخص آخره شمولی اوله بیلمی مستبعد بولتمس نه و متهم محمدک حین دردستنده کورس ترمش اولدیغنی اوضاع و اطوار مجنونانه نك کندوس سنی پنجه قانوندن قورتارمق مقصدیله ترتیب ایدلمش حیل و دسایس دن عبارت بولدیغنی قرائت ایدیلان راپورت مندرجاتندن مستبان اولوب شو حال ایسه فعل جرح و قتلک مرقوم طرفندن صدورینه دلالت ایتکده اولغله برابر حین دردستنده اوزرنده کی ایچ طوننده تازه قان لکه سی بولندیغنی ژورناله مذکور اولدیغنی کبی حضور محکمه ده دخنی کورلمس نه و ذکر اولسان طونک کندوس سنک اولدیغنی مرقوم محمدک تحت اقرار و اعترافنده بولتمس نه و صبیبه ناجیه دخنی والدہ سنی بچاقله بوغازندن جرح ایدن پدری محمد اولدیغنی افاده ایش اولوب اگرچه مزبوره فاطمه بی بر شخص آخر جرح ایش اولسه مرقوم محمدک حسب الزوجیه جارح و قاتلی تعقیب و دردست ایتسی لازمکلور ایکن بالعکس کندوس سنک فرار ایتسی و طوننده تازه قان لکه سی کورلمسی مرقومک زوجہ سنک جارح و قاتلی اولدیغنی مثبت قرینه قطعیه دن بولتمس نه و مزبوره فاطمه نك اثر جرح دن

اوتوز ایکی ساعت صکره وفات ایتدیکنک باراپورت بیلدیرلمش اولسنه و فعلک تصور و تصبیم اوزرینه وقوع بولدیغنه دائر میدانده بر حال موجود اولیوب بالمنازعه اجرا و ایقاع ایدلمش اولدیغنی روش و قوعات و صور اخبارات ایله ا کلا شیله رق مع مافیله حکامک دائماً متهملرک لهنده کی احوال ایله اعطای حکم ایتسی قواعد کلیه دن بولتمس نه نظراً متهم محمدک انکاری واهی و وکیل مومی الیه ک مدافعات واقعه سی اسباب مبسوطه ایله مر دو ایدوکندن متهم محمدک بالمنازعه زوجہ سی فاطمه بی بچاقله بوغازندن جرح و قتل ایتدیکی تحقیق ایتکله اولوجهله مجرمیتنه متفقاً قرار ویرلده یکنه دائر تنظیم اولسان قرار نامه علناً قرائت اولندقده معاون مومی الیه حتی بک مجرمیتی تحت حکمه النان محمدک قانون جزانک یوز یتش درنجی ماده سنک قره اولسنه توفیقاً تحدید مجازاتی ادعا و وکیل مومی الیه دخنی تخفیف جزاسنی استدعا ایتلریله مذکره او طه سنه عودت اولندی .

جهت جزایه حقنده دخنی ایجاب کیفیت لدی التذکر مجرمیتی تحت حکمه النان محمدک مرتکب اولدیغنی فعل و حرکتی قانون جزانک یوز یتش درنجی ماده سنک قره اولسنه موافق اولدیغنه



و فقره مذکوره دخی بر کیمسه من غیر تعهد بر شخصی  
اتلاف ایش ایسه اون بش سنه مدته کورکه  
قونیلور دیوحرر بولندیغه مبنی بوماده حکمنه  
توفیقاً و ابتدای توفیقی اولان اوچیزوش بش سنه سی  
رمضانک یکریمی یدنجی کونشدن اعتباراً بعد  
التشهر اون بش سنه مدته کورکه قونلسنه  
وضبط و اعلام و استنطاق خرچلری اولان  
جمعاً یوز او توز غروشک دخی مرقومدن بالتحصیل  
عدلیه و زنه سنه تسلیم ایتدیرلسنه اوچیزوش الی  
سنه سی صفرینک یکریمی دردنجی کونته مصادف  
اولان اوچیزوش درت سنه سی تشرین اولنک اون  
یدنجی بازار ابرتسی کونی بالاتفاق قرار ویریلوب  
قانونک ارئه و تعریف ایلدیکی وجهله تفهیمی اجرا  
واصول محاکمه جه معین اولان معاملات دخی  
ایضا قلندی .

فی ۲۵ تشرین اول سنه ۳۰۴

( یک اوچیزوش درت سنه سی اغستوسنک یدنجی )  
( بازار کیمسه سی ساعت اوچ راده لرده )  
( اسکدارده یکی محله ده ساکن بالقجی اصنافدن )  
( هاجی خپار سوم نام دیگر بلوط ولد نشانک کیفیت )  
( جرح و قتلدن طولابی مظنون علیه اولان عرب )  
( علی بن مصطفانک محاکمه علنیه ضبطنامه سی )  
( صورتیدر )

یک اوچیزوش درت سنه سی اغستوسنک یدنجی  
بازار کیمسه سی ساعت اوچ راده لرده اسکدارده  
یکی محله ده ساکن بالقجی اصنافدن هاجی  
خپار سوم نام دیگر بلوط ولد نشانک کیفیت جرح  
و قتلدن طولابی مظنون علیه اولان عرب علی  
بن مصطفانک جنایتله اتهامه دایر هیئت اتهامه دن  
تنظیم اولنان ۶ تشرین اول سنه ۳۰۴ تاریخلی  
و ۲۷۰ نومرولی مضبطه ایله استیناف مدعی  
عمومیلکنک ۲۵ تشرین اول سنه ۳۰۴ تاریخلی  
و ۲۷۴۶ نومرولی اتهامنامه سی اوراق منفرعه  
سیله ۵ تشرین ثانی سنه ۳۰۴ تاریخنده محکمه  
جنایتله تودیع اولتمقله بالمطالعه اصول محاکمات  
جزاییه قانونک ایکیزوش قرق سکزنجی و ایکیزوش  
قرق طقوزنجی ماده لرینه توفیقاً مرقوم تاریخ  
مذکوره توفیقخانه دن جلب ایله استجواب  
و مدافعه سنده معاونت ایتک اوزره بروکیل انتخابی

تکلیف اولندقدده دعوی وکیلرندن اسماعیل  
افندی بی بالانتخاب وکیل تعیین ایتدیکنی سولیسیه  
قانون مزبورک ادعای مفسوخیت حقنده اولان  
ایکیزوش الی برنجی ماده سی مندرجاتی اخطار  
قلندیغنی مبین تنظیم اولنان ضبطنامه تحت امضایه  
الیدرلدی ادعای مفسوخیت ایچون معین اولان  
مدت قانونیه منقضیه اولمقله مرقومک اجرای  
محاکمه سی سنه مذکوره تشرین نایسنک یکریمی  
برنجی بازار ابرتسی کونته قرارلشدیرلدی .

یوم مذکورده ساعت یددی راده لرده قانون مزورک  
ایکیزوش التمش اوچنجی ماده سنه توفیقاً متهم عرب  
علی توفیقخانه دن کتوردیلهرک وکیل منتخبی  
اسماعیل افندی یاننده اولدیغنی و مدعی عمومی  
معاونلرندن رؤف بک ایله مدعی شخصیلر مقنولک  
برادری اغیا و همشیره لری تنسوف واروس  
و خوسا پر و دورک حاضر بولندقلری حالده علناً  
اجرای محاکمه به بالابتدار متهم عرب علی لیدی  
الاستجواب اورکوبلی و اون سکز یاشنده اولوب  
اسکدارده طلومبه جی قغوشنده بیتوتت و ایاقده  
منساولق وارمنی کلیسایسنده طلومبه جیلقی  
ایلدیکنی سولیسیه کندوسنه و وکیل مومی ایله  
اسماعیل افندی به قانون مزبورک ایکیزوش

التمش دردنجی و ایکیزوش التمش بشنجی ماده لری  
مدلولاتی اخطار اولندقدنصکره اتهام مضبطه سیله  
اتهامنامه ضبط کاتبی امین افندی به قرائت ایتدیرلدی  
مضبطه مذکورده نکالی اوراق تحقیقیه ده  
و موجود وادعا نامه ده مذکور و معدود اولان  
اخبارات و دلائل مظنون مرقوم علینک هاجی  
خپار سوم نام دیگر بلوطی یندرلنده ظهور ایدن  
منازعه دن طولابی سب و شتم ایدرک حامل اولدیغنی  
یچاق ایله صول قاصیغندن جرح و اتلاف ایلدیکی  
حقنده اتهامنه کافی بولندیغندن و حرکت واقعه سی  
قانون جزانک یوز یتش دردنجی ماده سی حکمنی  
مستلزم افعال جنایتیه دن ایدو کندن مرقومک  
لاجل المحاکمه اتهامنه قرار و برلدیکنی و اتهامنامه نک  
مزایای دخی متهم عرب علینک مضبطه مذکوره  
مندرجاتی وجهله متهم بولندیغنی بیان و ایضاح دن  
عبارتدر .

قانون مزبورک ایکیزوش التمش التنجی ماده سی  
موجبجه اتهامنامه نک خلاصه سی جانب ریاستدن  
متهم مرقومه تفهیم اولندقدن و معاون مومی ایله  
طرفدن دخی مرقومک مابه الانهای اولان احوال  
تفصیل و تشریح قلندقدن صکره متهم عرب علی  
سولتدیرلده کده نخطر ایله مدیکی بر کیمسه اسمنی



صکره دن او کرندیکی حاجی بلوط ایله کویا علاقه کرده سی دینلان قاپیکک قغوشده کی قرمزی یتاغی ماده سندن طولابی بندلرنده ظهور ایدن مضار به ده کندوسی مضروب اولسی اوزرینه اهالی موجوده بندلرینی تفریق ایدرک یاتقی اوزره خچار سوم رئیسک قهوه خانه سی باغچه سنه کندیکنی و علی الصباح باغچه دن قاقوب یکی محله چارشوسندن یکمکده ایکن طانیدیغی برسی حکومتدن ارانیدیغی سونیکله کندوسیده پوایس مجلسنه مراجعت ایلدیکنی بالبیان فعل جرح وقتله اجتناسارینی کلیاً انکار و سالف الاسامی مدعی شخصلردن ادعای شخصیلری سؤال اولندقدده جمله سی مرقوم عرب علیدن شرعاً و نظماً لازمکلان معامله نك اجرا سنی طلب و تدار ایلدیلر .

مدعی عمومی طرفندن و یریلان شهود پوصله سنده اسامیسی محرر اولوب دهوت واقعه اوزرینه کلش اولان اسکچی مهران ولدخاچیک و بیقچی آطوم ولد آرتین و بالقچی قاپیک ولد میقائل و نعلبند شهابوان ولد حاجی او اکیم و یازمه چی صایان ولد او خانس و قلمتر اشچی مصطفی بن محمد و بصره خانه عمله سندن زنجی محمد بن علی اصول محاکمات جزایه قانونک ایکدوز الشمس سکرزنجی ماده سنه توفیقاً بعد التخلیف منفرداً و مواجهاً

استماع اولند قزنده شهود مرقومه دن مهران ليله مذکورده ده ساعت او چ راده لنده مرقوم حاجی بلوط رفیق بیقچی اطوم ایله برابر سرخوش اولدقاری حالده ارمنی کلیسای قارشوسنده کی قره بت رئیسک قهوه خانه سنه کله رک یکدیگر یله قونوشمده لر ایکن ذاتاً طانیدیغی بو عرب علیک مذکور قهوه خانه به کلسنی معقب حاجی بلوطک مرقوم علی به خطاباً عرب سنسین بو قرمزی یتاقدہ سنی شارسین سن کندینه فریق طومش اولدیغک قاپیک ایله بو یتاقدہ یاتمه جقسین دهرک اطاله اسان و سب و شتم ایلدیکنی و اوارالق مرقوم قاپیکک دخی قغوش دروننده پیکه اوزرنده او طور مقده اولدیغنی و مرقوم علی جواباً اوت بو یتاقدہ یاتمه جفم سن قپودانمیسین اگر قپودان ایسه ک شورایه کل قپودانلغنی ایت دهرک پرمغیله حاجی بلوطک او موزینی دورتوب مرقوم حاجی بلوط دخی هایدی بکنندیکک بره کیده لم دیو هر ایکبسی برلکده مذکور قهوه خانه یه اوتوز آدم قدر مسافه سی اولان کلیسا مطبخنک برنجی پنجره سی اوکنه کیدوب یکدیگر یله منازعه ایشدکاری ائنده عرب علیک ننده کی بچاق یاخود شیش کبی پارلاق برشی ایله آل سکا آل سکا دهرک حاجی بلوطک صول قاسیغنه اورمسيله برابر همان سلحدار باغچه سنه طوغری قاچدیغنی و حاجی بلوطک دخی کر قورک قهوه

# اعلان

غلطه ده تقسیمی زوقاغنده ساکن مستکی میخالی قتل قصه یله ضرب و جرحدن طولابی مظنون علیهما دن اولوب یوز سکسا نجی ماده قانونیه حکمنه موافق کور یلان حر کتدن ناشی اصول محاکمات جزایه قانونک باب رابعنک فصل نایسنده محرر مواد احکامنه توفیقاً جنایت محکمه سنده غیباً محاکمه سی اجرا قلمتی اوزره جنایتله اتها منه فرار و یریلان اورته بویلی طیقنازجه براز اسمر قره صاج و کوز و بقیلی لاز پنابوطک الان حال فرارده بولندیغی جهتهله هرزه ده کوریلور ایسه طوتیلوب محکمه مذکورہ توفیقخانه سنه تسلیمی لازم کله جکی بالجمله ضابطه عدلیه مأمورلر نیک معلومی اولق اوزره اشیو اخذ و گرفت مذکره سی محکمه استیناف جنحه دائره سنده متشکل هیئت اتهامیه دن بالتنظیم اعطا قلندی

۱۴ تشرین ثانی ۳۰۴

خانه سی اوکنده کی صهرنجک یاننده دیزی اوزرینه دوشدیکنی و بیقچی اطوم دخی وقعه کیجه سی حاجی بلوط ایله برابر قره بتک قهوه خانه سنه کلری عقیننده عرب علی دخی کله رک اسکچی مهرانک افاده ایتدیکی وجهله جریان وقعه سبب و شتمی بالحقایه حاجی بلوطک مجروحیتدن صکره پولیس افندیلر ایله برابر مرقوم عرب علینی تحریاته قیام ایلدکلرینی وقاپیک دخی خاطرنده اولیان یرکیجه خچار رئیس ایله قغوشک باغچه طرفنده اوتور مقده ایکن عرب علینک سلحدار باغچه سنه طوغری فراری عقیننده کلیسا اوکنده تجمع ایدن غلبه لغی اکلامق اوزره کندیکنده حاجی بلوطک وای بنی قاصغمدن اوردی دیدیکنی ایشندیکنی و مؤخرأ حاجی بلوطک وفات ایلدیکنی و شهابوان دخی ليله مذکورده طلومبه چی قغوشنک ایچروسنده قهوه ایچمکده اولدیغی صره ده طیشاروده اوتور مقده اولان حاجی بلوط ایله اوطومک یانته عرب علی کله رک یکدیگر یله لقردی ایتکده لر ایکن حاجی بلوط ایله علینک کلیسا قپوسنه طوغرو بالعزیمه یومروقله واقع اولان مضار به لرینی رئیسلی بولتان قره بته معلومات و یرمک اوزره کندیکی ائنده اور لدم سسی ایشتمش ایسه ده کیمک اورولدیغنی درحال اکلایه میوب حاجی بلوطک اورولدیغنی ایکی ساعت صکره قومشولردن ایشندیکنی

( مابعدی وار )



قندره قضاسنه تابع قره صو ناخيه سنك جهاديه  
 قريه سي اها ليسندن كوش اسماعيلك كيفيت جرح  
 وقتلندن طولايي مظنون عليه اولوب حال فرارده  
 بولنان اوزون بويي الاكوزلي سيوري بوروبلي  
 بغدادي بكزلي مادنا اغزلي مدورچكه لي سياه قاش  
 وصاچلي لاغوسنانلي بوز يتش دردنجي ماده  
 قانونيه حكمنه موافق كور يلان حركتندن ناشي  
 اصول محاكمات جزاييه قانونك باب رابعنك  
 فصل نائيسنده محرر مواد احكامنه توفيقاً از ميد  
 بدايت جزا محكمه سنده غياباً محاكمه سي اجرا  
 قيلمق اوزره جنايتله اتهامنه قرار ويرلايكنندن  
 متهم مرقومك هر زرده كوريلور ايسه طوتيلوب  
 محكمه مذكوره توقيخانه سنه تسليمي لازم كله جكي  
 بالجله ضابطه عدليه مأمورلر ينك معلومي اولق  
 اوزره اشبو اخذوكرفت مذكوره سي استيناف جنجه  
 زندنده متشكل هيئت انها ميه دن بالتسطير اعطا  
 قلندي

۱۴ تشرين ثاني ۳۰۴

طوبخانه لي اوغلي موقعنده مستخدم بوليس حسين  
 افندي به حقارت ايتسند طولايي مظنون عليه  
 اولوب جلبنامه ايله دعوت اولنان اسكدارده  
 صولي خانه ساكن بار كيرجي قوينه لي احد بن  
 مصطفى نك غيبيت ايلديكي يلدلرلش و اكمال  
 محاكمه كانون اولك اون بشنجي پنجشنبه كونه  
 تعليق ايله مرقوم احد حقهنده تنظيم اولنان جلبنامه  
 محكمه دبو انخانه سنه تعليق قلمش اولديغندن  
 بوم مذكوره مرقوم احداثيات وجود ايتديكي  
 تقديرده اصول محاكمه جزاييه قانون موقتلك بوز  
 يتشنجي ماده سي موجبجه حقهنده علناً معامله  
 غيايه اجرا اولنه جغني اعلان اولنور

۱۵ تشرين ثاني سنه ۳۰۴

چكرجي طناشك الر بني وكوزلر بني باغليه رق  
 اچده وسائره سني وماين همايون خدعه سندن صالح  
 اغانك نقود وساعتني وقونيه لي مصطفانك پاره سني  
 اخذ وسرقت ايتدك لري ادما اولتمسندن طولايي  
 اتهام ايدلش اولنردن اولوب حال فرارده بولنان

سياه كوز وصاچلي وسيوري بوروبلي اسمر بكزلي  
 ترسياه بيقلي اورته اغزلي دوز النلي طوپ چكه لي  
 يكرمي بش ياشنده مصطفى چاوش نام شخص هنوز  
 الده ايديله مديكي جهتله مرقومه قانونه اطاعتله  
 محكمه به كلك اوزره اصول محاكمات جزاييه  
 قانونك اوچيوز يتش برنجي ماده سنه توفيقاً جانب  
 رياستندن اون كون مهمل و برلمش اولغله مدت  
 مذكوره ظرفنده محكمه به كلك يكي تقديرده قانونه  
 اطاعت ايتماش نظريه باقيله رق محاكمه غيايه سي  
 بالاجرا اموالي حيز ايديله جكي و بواننده بركونا  
 دعوي اقامه سنه حقي اوله ميه جغني و بولنديغني  
 محلي ييلنلر خبر و برمكه و بالجله ضابطه عدليه  
 مأمور لر ينك كندوسني اخذوكرفت ايتمهكه بچبور  
 بواند قلري و مرقوم حقهنده اخذ وكرفت امري  
 اعطا قلمش اولديغني بيانيله اعلان كيفيت اولنور

۱۶ تشرين ثاني سنه ۳۰۴

غلطه ده بيوك ملت خاننده قرق طقوز نومرولي  
 او طه ده ساكن خره لبوس ولد بوركي لاغوسك  
 بك اوغلنده جاده كبرده ساكن ايكن الحاله هذه  
 اقامتگاهي ومحل سكنه سي اولميان تبعه دولت  
 عليه دن الياس و يطاليس وشركاسي ذمتنده  
 برقطعه آچيق بونو موجبجه الاجغني اولان بوز  
 اون بش عددليراي عثمانينك تحصيلي حقهنده اقامه  
 ايتديكي دعوان طولايي مدعي عليه مرقوم  
 و يطاليسك معلوم بر اقامتگاهي ومحل سكنه سي  
 اولمديغني اكلا شلمسنه ميني اصول محاكمه حقوقيه  
 قانون موقتلك يكرمي التججي ماده سي حكمنه توفيقاً  
 معامله مقتضيه نك اجراسي لازم كلكش ودعواي  
 واقعه نك تاريخ اعلاندن اوتوز بركون صكره يعني  
 اوچيوز درت سنه سي شهر كانون اولنك اون  
 يدنجي جمعه ابرتسي كوني ساعت يديده بك اوغلي  
 بدايت محكمه سي برنجي حقوق دائره سنده فصل  
 ورؤيتي مقرر بولتمش اولغله بوم ووقت مذكوره  
 مرقوم الياس و يطاليسك بالذات محكمه ده حاضر  
 بولتمسي و ياخود طرفندن اصولي وجهله بروكيل  
 مصدق كوندرمى و بالذات مراجعت ايتديكي  
 ووكيل كوندر مديكي تقديرده مدعينك واقع  
 اوله جق طلبي اوزر ينه وكيل مسخر تعيينيله



دعواسنك رؤيت وفصل ايله چكى اعلان اولنور

۱۶ تشرین ثانی سنه ۳۰۴

التي بيك ايكيوز غرو شده طالبي اوزرنده تقرر  
ايتمش اولديغندن بوز ده بش ضميلاه بونلردن دها  
ز ياده به طالب اولنلرك وز ياده معلومات المق  
ايسـتـيـانـلـرك اشبو تاريخ اعلاندن اعتباراً اوتوز  
بركون ظرفنده در سعادت اعلامات شرعيه  
اجرا دائره سنه مراجعت ايتلري

۲۴ تشرین ثانی سنه ۳۰۴

متوفي محمد ناصح افندي ورثه سنك محمد شمسي  
افندي ذمتنده قسمت عسكري محكمه سندن ويريلان  
۲۳ ربيع الاول سنه ۳۰۵ تاريخلي برقطعه اعلام  
شرعي موجبجه الاجقلى اولان مبالغ معلومه نك  
تأمين استيفاسي ضمننده مديون موسى اليهك متوفي  
پدري على نامق افندي عهدده سنده اولوب اشبو  
ديني مقابلهنده مرهون بولنان قدرغه ليواني  
قربنده بستانى على محله سنده قدرغه ليواني  
جاده سنده واقع فرق برنومرو ايله مرقم برباب  
حلاج دكاني كدكنك بش حصه اعتبار يله درت  
حصه سي مديون موسى اليه ايله قرنداشلر ينك  
طلب ومواققلري اوزرينه بوندن اقدام مزايده يه  
قونيله رق ليراي عثمانى بوز غروش حسابيله